

Samþykkt þessi, sem hreppsnefnd Djúpavogshrepps hefur sett samkvæmt ákvæðum 3. mgr. 7. gr. og 49. gr. sveitarstjórnarlaga nr. 8/1986, staðfestist hér með til að öðlast þegar gildi.

Félagsmálaráðuneytið, 20. desember 1994.

F. h. r.
Berglind Ásgeirsdóttir.

Sesselja Árnadóttir.

Nr. 687

22. desember 1994

SKIPULAGSSKRÁ

fyrir sjálfseignarstofnunina Sjóminja- og smiðjumunasafn J. Hinrikssonar.

Jósafat Hinriksson, kt. 210624-3769, Fornastekk 10, 109 Reykjavík, stofnar hér með sjálfseignarstofnun og setur henni svofellda skipulagsskrá.

1. gr.

Stofnunin heitir Sjóminja- og smiðjumunasafn J. Hinrikssonar og er heimili hennar og varnarþing í Reykjavík.

2. gr.

Tilgangur.

Tilgangur stofnunarinnar er að eiga og reka Sjóminja- og smiðjumunasafn sem ætlað er að hafa menningarsögulegt gildi í víðtækasta skilningi, m.a. með því að safna og varðveita muni frá atvinnuháttum liðinna tíma s.s. sjóminja og smiðjumuna.

Í því skyni er stofnuninni heimilt að taka við safnmunum til eignar og kaupa, ef nauðsynlegt reynist.

Í þessu starfi má stofnunin hafa samstarf við einstaklinga, félagasamtök, sveitarfélög, ríki eða stofnanir þess.

3. gr.

Stofnfé.

A) Jósafat Hinriksson, kt. 210624-3769, Fornastekk 10, 109 Reykjavík, leggur til alla safnmuni sína, sem eru í Sjóminja- og smiðjusafni hans að Súðavogi 4 í Reykjavík, inni og úti, svo og aðra muni sem hann á eða kann að eignast, svo og alla sýningarkassa, hillur og merkingar sem tilheyra safni hans nú.

B) Vélsmiðja J. Hinrikssonar hf., kt. 430470-0199, Súðavogi 4, Reykjavík hefur lofað að leggja stofnuninni til árlega, næstu 10 árin, fé til að reka safnið og kaupa húsnæði það sem safnið er nú í.

4. gr.

Stjórn.

Stjórn sjálfseignarstofnunarinnar skal skipuð fimm mönnum og skal fyrsta stjórn stofnunarinnar skipuð þannig:

Jósafat Hinriksson, kt. 210624-3769, formaður.

Ólöf Þ. Hannesdóttir, kt. 250332-6109,

Hanna Sigríður Jósafatsdóttir, kt. 230151-3769,

Karl Hinrik Jósafatsson, kt. 071155-7819, skrásetjari,

Smári Jósafatsson, kt. 190459-2339.

Varamenn í stjórn:

Birgir Þór Jósafatsson,

Ólöf Þ. Hannesdóttir yngri, listamaður.

Framangreind stjórn skal sitja þar til stjórnarmaður óskar þess að verða leystur frá stjórnarstörfum.

Ef stjórnarmaður óskar að vera leystur frá stjórnarstarfi eða fellur frá skulu þeir sem sitja eftir í stjórninni velja nýjan stjórnarmann úr hópi afkomenda Jósafats Hinrikssonar og Ólafar Þ. Hannesdóttur og ber þá að hafa í huga að hinn nýji stjórnarmaður hafi áhuga á að starfa fyrir stjórnina og samþykki það.

Jósafat Hinriksson er formaður stjórnarinnar en að honum gengnum velur stjórnin sér nýjan formann.

Stjórnin skal sjálf sjá um að vinna að markmiðum stofnunarinnar og sjá um rekstur hennar. Heimilt er að greiða stjórnarmönnum laun og ráða má hún framkvæmdastjóra ef fjárhagur leyfir.

Stjórnin gerir árlega skýrslu um störf sín sem lögð er fram á aðalfundi hennar sem halda ber fyrir apríl lok ár hvert.

Meirihluti atkvæða ræður úrslitum í stjórn stofnunarinnar. Veðsetning og sala safnmuna er ekki heimil og til breytinga á samþykktum þessum og til þess að leggja stofnunina niður þarf samþykki allra stjórnarmanna á fullskipuðum fundi.

5. gr.

Reikningar.

Reikningsár sjálfseignarstofnunarinnar er almanaksárið. Stjórnin ræður löggiltan endurskoðanda til þess að endurskoða reikninga stofnunarinnar og skal endurskoðun lokið í apríl ár hvert fyrir síðasta starfsár.

6. gr.

Verði sjálfseignarstofnunin lögð niður sbr. 4. gr. skulu safnmunir og aðrar eignir að frádregnum skuldum renna til aðila sem að mati fráfarandi stjórnar hefur áhuga og bolmagn til að reka safnið með reisu.

7. gr.

Leita skal staðfestingar forseta Íslands á skipulagsskrá þessari.

Reykjavík, 20. október 1994.

Jósafat Hinriksson.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytið, 22. desember 1994.

F. h. r.

Þorsteinn Geirsson.

Jón Thors.